



ՍՈՒՐԲ ԳՐԻԳՈՐ
ԼՈՒՍԱՎՈՐԻՉ
ԲԺՇԿԱԿԱՆ ԿԵՆՏՐՈՆ

ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

**«ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՐՈՒՐԱՅԻ ԵՎ ՄՊՈՐՏԻ ՊԵՏԱԿԱՆ
ԻՆՍՏԻՏՈՒՏ» ՀԻՄՆԱԴՐԱՄԻ ԵՎ «ՍՈՒՐԲ ԳՐԻԳՈՐ ԼՈՒՍԱՎՈՐԻՉ»
ԲԺՇԿԱԿԱՆ ԿԵՆՏՐՈՆ ՓԲԸ-Ի
ՄԻՋԵՎ**

Հաշվի առնելով, որ Կողմերն ընդունում են փոխադարձ համագործակցությունը և փորձի փոխանակումը վերականգնողական բժշկության՝ կինեզիոլոգիայի և կինեզոթերապիայի ոլորտում.

Նկատի ունենալով, որ համատեղ համագործակցությունը հնարավոր է միայն կառուցողական փոխգործակցության և փոխօգնության կազմակերպմամբ,

Կարևորելով կինեզիոլոգիայի և կինեզոթերապիայի պրակտիկությունը կրթության կազմակերպման գործում.

Ընդունելով կինեզիոլոգիայի և կինեզոթերապիայի ոլորտի տեսության և պրակտիկայի զուգահեռ զարգացմանն ուղղված Կողմերի ջանքերը և պատրաստակամությունը,

Հիմք ընդունելով սույն Հուշագիրը և փոխադարձ պայմանավորվածությունները.

Կողմերը համաձայնեցին հետևյալի շուրջ՝

1. Համագործակցության նպատակը

Սույն Հուշագրով Կողմերը նախատեսում են Հայաստանի Հանրապետության օրենսդրության շրջանակներում համագործակցել հուշագրի 2-րդ մասով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

2. Համագործակցության ուղղությունները

2.1 Սույն հուշագրով Կողմերը համագործակցում են.

2.1.1 «Սուրբ Գրիգոր Լուսավորիչ» բժշկական կենտրոնում (այսուհետ՝ Բժշկական կենտրոն) ուսանողների պրակտիկաների կազմակերպման միջոցով,

- 2.1.2 Հայաստանի ֆիզիկական կուլտուրայի և սպորտի պետական ինստիտուտի (այսուհետ՝ Ինստիտուտ) կրթական ծրագրերի մշակման աշխատանքներում,
 - 2.1.3 նորարարական, ծրագրերի համատեղ իրականացման շուրջ,
 - 2.1.4 սեմինարների, խորհրդակցությունների կազմակերպման միջոցով,
 - 2.1.5 Կողմերի գործունեությանն առնչվող համապատասխան նյութերի հրատարակման գործում,
 - 2.1.6 սույն Հուշագրի գործողության շրջանակներում Կողմերի գործառույթների կատարման համար, ըստ աշխատանքային անհրաժեշտության, Բժշկական կենտրոնի տարածքների, գույքի օգտագործման միջոցով,
 - 2.1.7 երկկողմանի հետաքրքրություն ներկայացնող ուսումնակրթական բնույթի ծրագրերի, այդ թվում՝ համապատասխան ոլորտներում հետազոտությունների, փորձաքննությունների իրականացման շուրջ,
 - 2.1.8 համատեղ իրականացվող աշխատանքների արդյունքների, դրանց խոչընդոտող հանգամանքների մասին տեղեկատվություն հայցելու և ստանալու միջոցով:
- 2.2 Կողմերն իրականացնում են նաև մասնագիտական և ասպիրանտական հետազոտական համատեղ ծրագրեր:
 - 2.3 Համագործակցում են երկկողմանի հետաքրքրություն ներկայացնող ուսումնակրթական (վերականգնողական, առողջարանական և այլն) բնույթի ծրագրերի, այդ թվում՝ համապատասխան ոլորտներում համատեղ հետազոտությունների իրականացման ոլորտներում:
 - 2.4 Կազմակերպում են միջազգային գիտական կոնֆերանսներ, սեմինարներ, ստեղծագործական բանավեճեր, խորհրդակցություններ:
 - 2.5 Իրականացնում են գիտական, մասնագիտական գրականության, մեթոդական ձեռնարկների, աշխատությունների, պարբերականների և այլ նյութերի փոխանակում:
 - 2.6 Կարող են հայցել և ստանալ համատեղ իրականացվող աշխատանքների արդյունքների, դրանց խոչընդոտող հանգամանքների մասին տեղեկատվություն:
 - 2.7 Կողմերն իրականացնում են գրադարանային ֆոնդի համատեղ օգտագործում:

3. Համագործակցության սկզբունքները

Կողմերը սույն Հուշագրի սահմաններում իրենց գործառույթներն իրականացնում են օրինականության, փոխօգնության, համագործակցության սկզբունքներով:

4. Եզրափակիչ դրույթներ

- 4.1 Սույն Հուշագիրը կնքվում է երկու օրինակից հայերեն լեզվով, որոնք ունեն հավասար իրավաբանական ուժ: Յուրաքանչյուր կողմին տրվում է մեկական օրինակ:
- 4.2 Սույն Հուշագրի լրացումներն ու փոփոխությունները համարվում են Հուշագրի անբաժանելի մասը:
- 4.3 Սույն Հուշագիրը չի առաջացնում ֆինանսական պարտավորություններ կողմերի համար:
- 4.4 Յուրաքանչյուր կողմ կարող է միակողմանիորեն խզել Հուշագիրը՝ այդ մասին մեկ ամիս առաջ տեղյակ պահելով մյուս կողմին:
- 4.5 Սույն հուշագիրը կնքվել է Երևան քաղաքում, 2021թ. հունիսի 18-ին:
- 4.6 Սույն Հուշագիրը ուժի մեջ է մտնում ստորագրման պահից և գործում անժամկետ:

Կողմերի վավերապայմանները և ստորագրությունները

Ինստիտուտ

«Հայաստանի ֆիզիկական կուլտուրայի
և սպորտի պետական ինստիտուտ»
հիմնադրամ
ք. Երևան, Ալեք Մանուկյան 11

Ռեկտոր՝ Դավիթ Խիթարյան



Բժշկական կենտրոն

«Սուրբ Գրիգոր Լուսավորիչ»
բժշկական կենտրոն ՓԲԸ
ք. Երևան, Գյուրջյան 10

Տնօրեն՝ Արման Հովակիմյան

